

# INUIT ATAQATIGIIT

## Inatsisartuni



UKA 2019/ 147

30.09.2019

Mikivsuk Thomassen

**Uunga siunnersuut: Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq**

(Peqqissutsimut, Isumaginninnermut Inatsisinillu atuutsitsinermut Naalakkersuisoq)

Siullertut Inut Ataqatigiinniit qujarusuprugut saqqummiunneqartumut, ukiuni makkunani aatsaat taama pinngitsoorneqarsinnaanngitsigaaq nunatsinni, Meeqqat illersuisuat aamma Meeqqat pillugit Siunnersuisoqatigiit nuannaarutigaara Kalaallit nunatsinni pilersinneqarnikuummata.

Taakkummata nunatsinni siammasissumik isorartuumillu najugaqarneqartumi ornigullutik meeqqat atugaannik ulluinnarni pissutsinik piviusunik nalunaarusiornerit ingerlanneqartarmata, ilorraap tungaanut ingerlasoqarnisaanik pisortaqarfinnut ingerlatsiteqqiisinnaammata ammasumik, imaannaanngitsumik kivitseqataasut meerartatsinnut pitsaasumik inuuneqalernissaannut taamaammat pinngitsoorneqarsinnaanngilaq MIO Meeqqat pillugit siunnersuisooqatigiit.

Pingaaruteqarluinnarpoq ulluinnarni ilisimalersimasanngisagut illoqarfinni nunaqarfinnilu angalasimagaangata nalunaarusiornikkut saqqummiunneqartarmata tamannalu Politikkikkut sunniuteqarsinnaasoq takuneqarsinnaalernikuuvvoq.

Inuit ataqatigiinniit isumaqarpugut nunarput taama isorartutigisoq ilaatigullu Politikkikkut misiginngitsuukkagut aaqqitassat meerartatsinnut tunngasut sakkortusinnaasut nalunaarusiarineqartarlutik,

Inuit Ataqatigiinniit isumaqarpugut MIO-p aningaasaliiffigineqartarnera pingaaruteqartuartussaasoq aammalu qaffanneqartariaqarlutik aningaasaliissutaasartut, tassami nunatsinni angalaniarneq taama akisutigisoq, pitsaasumik paassisutissanik pissarsissagutta avaqqunneqarsinnaanngilaq illoqarfiiit nunaqarfiillu amerlanerpaartaat tikinneqartassappata.

Taamatut oqaaseqarluta ataatsimiitaliamut innersuupparput taperserlugu.